

Biskáhpa javllarågos

Ráfe ednamin?

*Ráfe ednamin lisj dávk stuorámus javllasá vadus gudik goassak. Duohta sá vadus man vájkkudusájt ep állu vuojne, vájku dal moaddása dav doarjju. Ij dávk aktak dáv ienebut sáva gá sij gudi ietja ráfedisvuodan viessu. Jagev 2023 sjaddap dávk mujttet dan jahken gá Ukraina doarro sjattaj guhkes ájggásasj doarron ja rijddo Israela ja Hamasa gaskan vat buolláj ja ájn li 30 stuoráp ja unnep rijdo væráldav miehtáj.*

Manen de ájn sáv vap ráfev ednamin? Ij la sá dákkir «ájádus mav ep sjatta nahkat» beru imálasj gá vuojnnep oase væráldis li buollemin?

Jáhkáv galmmá siva li dasi gá ájn máhttep dáv vuogas sá vadusáv baddjen anedit:

Vuostasj: mij lij sjaddat jus lijma hiejtet sáv vamis ráfev ednamin?

Ráfe ij la juoga mij ber ihtá. Ráfe l diedulasj dagoj boados. Ja jus hiejttep dav sáv vamis, de sidot ráfev áttjudittjat aj binnu. Ráfe mávso li ájggomus, politihkalasj rahtjamus ja rudá. Juohkka bále gá sáv vap ráfev ednamin de biedjap unnin ienep dættov sijá nali gudi li biejaduvvam ráfálasj tjoavddusijt gávnahtjit.

Nuppát: ráfe ednamin ij la dássju daj stuorra rijdoj birra.

Ráfe l vuojnno majna ietjá ulmutjijt iejvvip. Dákkir vuojnno l muv mielas ájnas buorre sebrudagájt dagátjit. Vuojnnep gáktu dálásj ulmutja vastet guojmesa birra sáhkadi, ij la álkke juojddá moalgedit ja ij aktak duosta javllat majt miejnne gá ballá vájves vásstádusájs. Danen la ráfe ednamin sá vadus aj allasimme mujttádussan ietja ráfev ávdedittjat iehtjádij siegen.

Manutjissaj jáhkáv galggap ráfev sá vadit danen gá Jesus dav sihtá. Sån riegá dij árggabæjvváj gánná ij lim állu ráfe. Romára lidjin lándav okkupierim ja álmuga ja belludagá lidjin vuostebiele. Rijdo ællim makkirak amás ássje. Ajtu lij almmefuova sáhka: Ráfe ednamin. Dat lij sáhka mij Jesus-mánáv tjuovoj dán væráldij. Ja gá ráfepládna ruossa nanna álliduvvá, de mij sæmme báttá gáhtjoduvvap Ráfe ambassaderra bargguj.

Danen la ráfe ednamin ájn mijá javllasá vadus. Navti doajvvo ihkap buorebut rijbbá – ja dát la jur mav Doajvvo dárba j dán javllaájge.

*Ráfe ednamin,*

*sjállerda, ulmusj!*

*Midjij la Lånestiddje riegádam!*

*B.S Ingemann (N13 48)*

Ráfálasj javla.

Svein Valle

Oarjie-Hålogalátte Biskoahppa